

## IZVJEŠTAJ

### **o realizovanim programskim obavezama Ministarstva pravosuđa i uprave TK u periodu od 11.02.-11.05.2011. godine**

U radu Ministarstva pravosuđa i uprave Tuzlanskog kantona (u daljem tekstu: Ministarstvo) u izvještajnom periodu, bilo je izraženo nastojanje da se, i pored zatečene neadekvatne unutrašnje organizacije i kadrovske popunjenosti, osigura kontinuitet i ažurnost u obavljanju svih poslova iz nadležnosti ovog Ministarstva, što podrazumijeva izvršavanje ranije planiranih i započetih aktivnosti, ali i neplaniranih aktivnosti, koje je bilo potrebno poduzeti u skladu sa naknadno opredijeljenim stavovima i određenim zadacima.

U tom smislu se, na samom početku izvještajnog perioda, pristupilo izradi i donošenju Programa rada ovog Ministarstva, po jedinstvenom modelu koji je opredijeljen na Kolegiju Vlade Kantona, a koji je zajedno sa programima rada drugih kantonalnih ministarstava, služio kao osnova za izradu Programa rada Vlade i Skupštine Kantona.

U skladu sa Programom rada Vlade Kantona za 2011. godinu, provedene su slijedeće aktivnosti i realizovani programski zadaci:

- U koordinaciji sa svim odgovornim institucijama u sektoru pravde u BiH, intenzivno se radilo na ostvarenju vizije i strateških ciljeva, zacrtanih Strategijom za reformu sektora pravde u Bosni i Hercegovini (u daljem tekstu: SRSP u BiH), kao i drugim strateškim dokumentima koji se odnose na oblast pravosuđa i uprave, te ukupnim programskim ciljevima Vlade Tuzlanskog kantona.

U tom pogledu realizovani su konkretni programski zadaci za koje su zaduženi kantoni, a u skladu sa državnim strateškim dokumentima i zaključcima Pete konferencije ministara pravde u BiH i predsjednika Visokog sudskog i tužilačkog vijeća Bosne i Hercegovine i Pravosudne komisije Brčko distrikta, održane krajem prošle godine, usmjereni na:

- dalje jačanje i održavanje nezavisnosti, odgovornosti, efikasnosti, profesionalnosti i usklađenosti pravosudnog sistema koji obezbjeđuje vladavinu prava, posebno u pogledu obavljanja poslova sudske uprave i osiguravanja finansijskih i drugih materijalno-tehničkih pretpostavki za rad Kantonalnog suda i općinskih sudova na području ovog Kantona, kao i Kantonalnog tužilaštava Tuzlanskog kantona;
- stvaranje uvjeta za implementaciju alternativnih krivičnih sankcija, u prvom redu rada za opće dobro na slobodi, u skladu sa važećim federalnim i kantonalnim zakonodavstvom;
- unaprijeđenje sistema besplatne pravne pomoći građanima slabog imovnog stanja i uspostavljanja, jačanja i održavanja sistema i procesa kojima se garantuje jednak pristup pravdi;
- definisanje i provođenje mjera kojima sektor pravde doprinosi stvaranju povoljnijeg okruženja za održiv ekonomski rast;
- ostvarivanju saradnje i koordinacije ključnih institucija u sektoru pravde s ciljem postizanja djelotvornijeg, transparentnijeg i odgovornijeg sistema pravde i javne uprave
- uspostavljanju efikasne i odgovorne administracije, koja može odgovoriti standardima i imperativima evropskih integracija;
- postizanju većeg stepena koordinacije rada resornih kantonalnih ministarstava nadležnih za oblast pravosuđa i uprave sa federalnim i državnim organima vlasti .

## KRAĆI IZVJEŠTAJ

### **o realizovanim programskim obavezama u oblasti pravosuđa i uprave u periodu od 11.02.-11.05.2011. godine**

U skladu sa Programom rada Vlade Kantona za 2011. godinu i Programom rada Ministarstva pravosuđa i uprave, provedene su sve planirane aktivnosti i realizovani programski zadaci, od kojih je ovom prilikom potrebno istaći slijedeće:

#### **I - AKTIVNOSTI NA NORMATIVNOM PLANU**

Realizujući programske aktivnosti, resorno Ministarstvo je izvještajnom periodu, a u skladu sa zadatim rokovima i u skladu sa opredijeljenim stavovima pripremlilo:

#### **1. Zakon o izmjenama i dopunama Zakona o ministarstvima i drugim organima uprave Tuzlanskog kantona.**

Nakon prethodno provedenih aktivnosti, u kojima je koordinirajuću ulogu imalo kantonalno Ministarstvo pravosuđa i uprave, pripremljen je nacrt ovog Zakona, koji je Vlada razmatrala i u istoj formi utvrdila polovinom prošlog mjeseca (15.04.2011. godine), tako da je ovaj Zakon u planiranom roku, zajedno sa prijedlogom Programa javne rasprave, upućen u dalju Skupštinsku proceduru.

Skupština Kantona je ovaj nacrt Zakona razmatrala i prihvatila na sjednici održanoj 28.04.2011. godine, stavljajući isti na javnu raspravu u trajanju od 15 dana. Ujedno, pomenuto resorno Ministarstvo je bilo zaduženo za provođenje i sumiranje rezultata javne rasprave, kao i sačinjavanje izvještaja o tome i izradu prijedloga Zakona, U skladu sa utvrđenim obavezama, Ministarstvo je provelo kompletnu proceduru i blagovremeno pripremlilo prijedlog ovog Zakona, koji je razmatran i utvrđen na sjednici Vlade održanoj 19.5.2011. godine, pa se može konstatovati da su sa ovim, Vlada Kantona i resorno Ministarstvo, u predviđenim rokovima i u cijelosti izvršili svoje programske obaveze.

**2. Paralelno s tim, pripremljena su i donesena tri provedbena propisa iz oblasti pravosuđa**, koji su značajni sa aspekta prikupljanja i obrade podataka i sagledavanja stanja i efekata izvršenja sankcija u okvirima nadležnosti kantona, kao i sa aspekta konačnog stvaranja normativnih pretpostavki za uvođenje i provedbu alternativnih krivičnih sankcija – rada za opće dobro na slobodi, a to su:

- **Pravilnik o metodologiji podnošenja izvještaja o izvršenju sankcija,**
- **Uputstvo o matičnoj knjizi, registru i ličnom kartonu osuđenih lica upućenih na izvršavanje rada za opće dobro na slobodi i**
- **Uputstvo o načinu rada, odgovornosti i obučavanju povjerenika.**

Osim toga, od nekoliko **privrednih subjekata iz domena komunalnih djelatnosti** smo dobili pozitivno mišljenje da će isti **sa svojim kadrovskim i tehničkim kapacitetima aktivno učestvovati u realizaciji rada za opće dobro na slobodi**. Preostaje nam da broj takvih subjekata povećamo, te da izvršimo obuku povjerenika u istim, kako bi mogli potpuno spremni realizirati ovu alternativnu krivičnu sankciju.

**3. Na prijedlog ovog Ministarstva, formirana je jedinstvena komisija i započet je postupak zajedničkih nabavki za sva kantonalna ministarstva**, što smatramo važnim korakom u reorganizaciji organa uprave Tuzlanskog kantona.

## 2.

4. Imajući u vidu da su u ovom periodu bile intenzivirane aktivnosti na normativnom planu i ostalih kantonalnih organa uprave u skladu sa programskim opredjeljenjima, kao i ulogu Ministarstva pravosuđa i uprave, koje je obavezno davati **prethodno mišljenje o svim nacrtima i prijedlozima zakona i drugih propisa, kao i općih akata kojima se utvrđuje unutrašnja organizacija kantonalnih organa uprave**, može se konstatovati da je to Ministarstvo i pored zatečene neadekvatne unutrašnje organizacije i kadrovske popunjenosti, u cijelosti odgovorilo svim svojim obavezama u datim rokovima, dajući na taj način svoj puni doprinos u realizaciji programskih zadataka tih organa, a u konačnom i same Vlade.

### I – OSTALE ZNAČAJNIJE AKTIVNOSTI

Pored izrade i donošenja Programa rada tog Ministarstva, po jedinstvenom modelu koji je opredijeljen na Kolegiju Vlade Kantona, a koji je zajedno sa programima rada drugih kantonalnih ministarstava, korišten kao osnova za izradu Programa rada Vlade i Skupštine Kantona, u proteklom periodu je provedeno niz aktivnosti i realizovani su programski zadaci, od kojih svakako treba pomenuti slijedeće:

- U koordinaciji sa svim odgovornim institucijama u sektoru pravde u BiH, **intenzivno se radilo na ostvarenju vizije i strateških ciljeva, zacrtanih Strategijom za reformu sektora pravde u Bosni i Hercegovini**, kao i drugim strateškim dokumentima koji se odnose na oblast pravosuđa i uprave, kao i na ostvarenju odgovarajućih programskih ciljeva Vlade Tuzlanskog kantona.

U tom pogledu u ovom Kantonu i resornom Ministarstvu, blagovremeno su poduzimane potrebne aktivnosti i realizovani konkretni programski zadaci u skladu sa pomenutim državnim strateškim dokumentima i zaključcima Pete konferencije ministara pravde u BiH i predsjednika Visokog sudskog i tužilačkog vijeća Bosne i Hercegovine i Pravosudne komisije Brčko distrikta, održane krajem prošle godine.

- U cilju rješavanja brojnih aktuelnih pitanja u oblasti pravosuđa i uprave, **uspostavljena je bliža saradnja i ostvareni neposredni kontakti sa predstavnicima VSTV-a, UNDP-a, OSCE-a i novoimenovanim federalnim ministrom pravde**, kao i sa drugim resornim kantonalnim organima i drugim organima i institucijama, u cilju definisanja prioriteta i dogovora o načinu i dinamici rješavanja pojedinih pitanja.

- U svakom pojedinačnom slučaju je **rješavano o pravima i obavezama stranaka**, koje su se obraćale sa zahtjevima Ministarstvu pravosuđa i uprave, u skladu sa važećim propisima i utvrđenim rokovima, a **u slučaju izraženog nezadovoljstva radom pravosudnih organa predstavke i pritužbe** su, kako je to i propisano, bez odlaganja prosljeđivane VSTV-u, koje je nadležno za postupanje po istim.

U Tuzli, 19.05.2011. godine

MINISTAR

*Alen Taletović, dipl. iur.*